

**ՔՐԻՍՏՈՍԻ ՀՐԱՇԱՓԱՌ՝ Ս. ՀԱՐՈՒԹՅԱՆ ՏՈՆԻ ԱՌԹԻՎ
ԱՄԵՆԱՅՆ ՀԱՅՈՑ ՍՐԲԱԶՆԱԳՈՒՅՆ ԿԱԹՈՂԻԿՈՍ
ՆՈՐԻՆ Ս. ՕԾՈՒԹՅՈՒՆ Տ. Տ. ԳԵՈՐԳ Զ.Ի ԱՆՈՒՆՈՎ
ՔՈՒՅՐ ԵԿԵՂԵՑԻՆԵՐԻ ՊԵՏԵՐԻՑ ՍՏԱՑՎԱԾ
ՇՆՈՐՀԱՎՈՐԱԿԱՆ ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ**

ՄՈՍԿՎԱՅԻՑ

Ուրախությամբ ողջունում ենք Ձեզ ի Տերն հարուցյալ, որը մեզ ևս երա-
նելի հարության հույսն է պարգևել:

Ընդունեցե՛ք մեր ուրախության զգացմունքների եղբայրական համբույրը
Քրիստոսի Հարության և հոգևոր սիրո առթիվ:

Մեր Տեր Հիսուս Քրիստոսը, որ խնդրեց երկնային իր Հորը, որպեսզի բո-
լոր հավատացյալներն միաբան լինեն և իր հարությամբ խոստացալ մեզ
հետ լինել մինչև դարերի վերջը, իր ներկայության շնորհը և մեր միաբանու-
թյունը առանձնապես արտահայտում է տոնական այս օրերին հարության
փառով: Մի՛րե՛ս նրա ներկայության շնորհը չէ, որ ստեղծում է այնքան կեն-
դանի և կատարյալ մեր ուրախությունը: Մի՛րե՛ս նրա շնորհը չէ, որ միասնա-
կանության է կոչում մեզ՝ փոխադարձ հաղորդակցության խոսքի և սրտագին
զգացմունքով:

Մեր խոնարհ աղոթքն ենք մատուցում այդ ուրախությունը և հոգևոր հա-
ղորդակցության մխիթարությունը մեզ պարգևողին: Թող անպակաս լինի նրա
աստվածային շնորհը իր լույսով և խաղաղությամբ մեր կյանքի բոլոր օրերում:

«Քրիստոս յարեա՛ւ ի մեռելոց»:

«Արդարև Քրիստոս յարեա՛ւ ի մեռելոց»:

ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԷ՝

Ա. Լ. Ե. Ք Ս Ի

ԹԲԻԼԻՍԻՑ

«Քրիստոս յարեա՛ւ ի մեռելոց»:

Մեր Տեր Հիսուս Քրիստոսը իր հարության օրը, հանձինս յուզաբե-
ր կանանց և առաքյալների, ազդարարեց ամբողջ աշխարհին ուրախության և
խաղաղության պատգամը՝ առաջիններին ողջունելով «ուրախացե՛ք», իսկ առա-
քյալներին՝ «Խաղաղություն ընդ ձեզ» խոստերով (Հովհ., Ի 19):

Եվ քրիստոսավանդ ուրախությունն ու լույսը ծավալվեց և ծավալվում է
այս օրերում մինչև երկինք, գետին ու դժոխք, քափանցելով հավատացյալների
հոգիներն ու սրտերը: Ահա հասն դար է, ինչ քրիստոնյաները այդ օրերում ող-
ջունում են միմյանց ուրախ բացազանչություններով՝ «Քրիստոս յարեա՛ւ ի մե-
ռելոց», որն արտահայտում է և՛ ուրախություն, և՛ հավատքի միասնություն,
և՛ խորը հավատք, ուստի և յշնամությունը խաղաղության հանդեպ տեղի պի-
տի տա և խաղաղությունը հաղթանակի ամբողջ աշխարհում:

Ուրախությամբ տոգորված մեր Տեր Հիսուս Քրիստոսի Հարության առթիվ,
ամբողջ հոգով ու սրտով հղում ենք մեր շնորհավորանքները Ձերդ Սրբությա-
նը, Ձեզ շրջապատող աստվածապաշտ քննակալ առաջնորդներին, Ձեր Ս. եկե-
ղեցուն, և աղոթքի բարեմաղորդություններով ուրախ բացազանչում՝

«Արդարև Քրիստոս յարեա՛ւ ի մեռելոց»:

Եղբայրական սիրով ի Քրիստոս,

ՀԱՄԱՅՆ ՎՐԱՅ ԿԱԹՈՂԻԿՈՍ ՊԱՏՐԻԱՐԷ՝

ՄԵԼՔԻՍԵՂԵԿ

ԼՈՒՆՈՒՆԻՑ

Ձերդ Սրբությո՛ւն, Սիրեցյալ Եղբա՛յր ի Քրիստոս.

«Եւ յերեկոյի շաբաթուն յորում լուսանայր միաշաբաթին, եկն Մարիամ Մագքաղենացի և մես Մարիամն տեսանել զգերեզմանն»: Ալիւոիա՛ (Մատթ., ԻԸ 1):

Որպես ջերմեռանդ հետևորդներ Հիսուսի, նրանք եկան Պասեֆի այդ տոնին կատարելու իրենց հոգեկան ուխտը այն գերեզմանի առաջ, որտեղ դրել էին Տիրոջ մարմինը, և լսեցին հրեշտակի ձայնը՝ «Ձէ՛ աստ, այլ յարեալ»: Բոլոր դարերի ողջ փրկատնայաները միասին ուրախանում են հաղթական ավետիփով մեր Տիրոջ և Փրկչին, «գոր Աստուած յարոյց ի մեռելոց» (Գործք., Դ 10):

Քրիստոնեական տարվա յուրաքանչյուր մեծ տոնախմբություն հոգեկան խորը քարեկամության մեջ միացնում է տարբեր ավանդություններ ունեցող փրկատնայաներին, որովհետև այդ ժամանակ է, որ մեր հայացքը լրջորեն հառած է Քրիստոսի վրա՝ թե փրկատնայաները մի են նրանով և գտնում են միմյանց հետ իրենց միության ամենասերտ կապերը: Հարության տոնը մեզ հատկապես գիտակից է դարձնում այդ միության, որովհետև այդ տոնին բոլորը մասնակցում են Աստուծո մարմնացյալ Որդու տարած հաղթանակին ընդդեմ աշխարհի, մարմնի և սատանայի:

Աղոթում եմ, որ այս աշխարհի խավարը ցրվի Աստուծո Եկեղեցու լույսով, լուսավորված՝ հարության փառքով և զորացած՝ մի նոր և տևական սիրո կյանքով:

Թող Զատիկվա նոր կյանքը առատորեն տեղա Ձերդ Սրբության, Ձեր հոգևորականության և Ձեր հավատացյալ ժողովրդի վրա, և աղոթում եմ, որ աստվածային օրհնությունը մեա միշտ Ձեր Եկեղեցու վրա:

Մնամ Ձեզ սիրով եղբայր ի Քրիստոս,

ԱՐՔԵՊԻՍԿՈՊՈՍ ՔԵՆՏՐԻՆԻԻ,
ԵՊԻՍԿՈՊՈՍ ԱՊԵՏ ԵՎ ՄԻՏՐՈՊՈԼԻՏ ՀԱՄԱՅՆ ԱՆԳԼԻՈ՝
Ջ Ե Ո Ֆ Ֆ Ր Ի

ՄՈՍԿՎԱՅԻՑ

Մենք մեծագույն բախտավորությունն ունենք հավատալու, որ հարուցյալ Քրիստոսը, որը լուծեց դժոխքի հանգույցները և խաղաղություն տվեց տիեզերքին, «և զձեզ յարուսցէ զօրութեամբ իւրով» (Ա. Կորնթ., Զ 14):

Կրկին վերապրելով այդ ուրախությունն այն օրը, երբ ճշմարտապես ամեն տարած հրեվում է և ուրախանում, որդիական սիրով ողջունում եմ և շնորհավորում եմ Ձեզ ճշմարիտ խաղաղության, հույսի և սիրո փրկատնեական մեծ տոնի առթիվ:

«Քրիստոս յարեալ ի մեռելոց»:

Որդիական սիրով ի Քրիստոս,

ԿՐՈՒՏԻՑԻԿՈՒ ԵՎ ԿՈԼՈՄԵՆԱՅԻ ՄԻՏՐՈՊՈԼԻՏ՝
Ն Ի Կ Ո Լ Ա Յ

ՐԻԳԱՑԻՑ

Խնդրում եմ, Ձերդ Սրբությո՛ւն, հանեցե՛ք ընդունել իմ արտագին զատկա-
կան շնորհավորությունները և աղոթական ցանկությունները՝ Ձեզ և Ձեր գլխա-
վորած հնագույն Հայ Եկեղեցուն:

«Քրիստոս յարեա՛ւ ի մեռելոց»:

ԼԱՏՎԻԱԿԱՆ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ
ԵԿԵՂԵՑՈՒ ԱՐՔԵՊԻՍԿՈՊՈՍ՝
ԳՈՒՍՏԱՎ ՏՈՒՐՍ

ՕՐՅՈՒՅ

«Քրիստոս յարեա՛ւ ի մեռելոց»:

Շնորհավորում եմ Ձերդ Սրբությանը լուսատու տոնի առթիվ:

ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ
ՀԻՆ-ՄԻՍԱԿԱՆ ԵԿԵՂԵՑՈՒ ԱՐՔԵՊԻՍԿՈՊՈՍ՝
ՖԻՍՎԱՆ

ԶԱԳՈՐՍԿԻՑ

Մոսկվայի Հոգևոր ճեմարանի վարչությունը հղում է իր ջերմագին շնոր-
հավորանքները Ձերդ Սրբությանը՝ Քրիստոսի Հարության լուսատու տոնի առ-
թիվ: Ցանկանում եմ Ձեզ առողջություն, երկարատև կյանք և ամեն տեսակի
բարօրություն:

«Քրիստոս յարեա՛ւ ի մեռելոց»:

ՃԵՄԱՐԱՆԻ ՈՆԿԵՐՈՐ՝ ԱՎԱԳԵՐԵՑ ՌՈՒԺԻՑԿԻՑ
ՑԵՍՈՒՆ՝ ԱՅՐՈՖԻՍՏՈՐ ԴՈԿՏՈՐՍՈՎ

